

Tiranë më 24.02.2021

RAPORTI I AUDITUESIT
MBI VERIFIKIMIN E VEPRIMEVE NE BAZËN E TE DHËNAVE TE
REGJISTRIT KOMBËTAR TE GJENDJES CIVILE

Përgatiti:
Roland Kërçuku
Audit Teknikien



1

Lënda : **Raport i Auditimit**

Drejtuar : **Komisionit Qendror te Zgjedhjeve**
Komisioneri dhe Nënkomisioneri Shtetëror për Zgjedhje

Të nderuar anëtarë të Komisionit Qendror të Zgjedhjeve.

Në zbatim të vendimit Nr. 1, datë 19.10.2020, të Komisionit Qendror të Zgjedhjeve "Për emërimin e auditit teknikien për mbikëqyrjen e procesit të hartimit të listave të zgjedhësve, për zgjedhjet të datës 25 Prill 2021" dhe udhëzimit Nr.2, datë 28.12.2012 të KQZ "Për miratimin e rregullave të veçanta për kushtet e kontratës dhe kryerjen e auditimit nga auditët teknikien për verifikimin e veprimeve në bazën e të dhënave të Regjistrit Kombëtar të Gjendjes Civile (RKGJC) dhe në sistemin elektronik të verifikimit dhe regjistrimit të zgjedhësve (SEV), ju paraqes më poshtë raportin e auditimit të kryer për periudhën ekstraktet e pare date 3 Tetor 2020 dhe ekstraktin e dytë date 1 Nëntor 2020.

Verifikimet paraprake mbi bazën e të dhënave në Regjistrin Kombëtar të Gjendjes Civile dhe ekstraktet e përbërësve zgjedhore e listat e zgjedhësve të gjeneruara nga Regjistri Kombëtar i Gjendjes Civile(RKGJC) në zbatim të "Kodit Zgjedhor", Ligjit "Për Gjendjen Civile", janë kryer duke përdorur metodën e testimit dhe krahasimit nëpërmjet për këmbimeve të përcaktuara ne Udhëzimin e Ministrit të Brendshëm Nr.370, date 07.12.2012 "Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile".

Për përmbushjen e misionit te ngarkuar kam vlerësuar metodat dhe parimet e përdorura për kontrollin e dublimeve ne listat e zgjedhësve sipas procedurave te parashikuara ne aneksin nr.1 te Udhëzimit te Ministrit të Brendshëm Nr.370, date 07.12.2012 "Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile", respektimin e kriterit ligjor për numrin e zgjedhësve për qendrat e votimit si dhe kriteret e tjera te vendosur ne ligj.

Përgjegjësia e audituesit është te verifikoje përputhshmërinë e veprimeve te kryera nga DPGJC me rregullat e përcaktuara ne Kodin Zgjedhor, ligjin për "Gjendjen Civile" dhe aktet e tjera ligjore dhe nënligjore mbi bazën e te dhënave te Regjistrit Kombëtar te Gjendjes Civile.



2

Përmbajtje

1. Hyrje	4
2. Baza Ligjore	5
3. Situata e përgjithshme e punës dhe të dhënat bazë paraprake	6
4. Administrimi i Regjistrit Kombëtar të Gjendjes Civile	8
5. Administrimi i procesit sipas detyrimeve ligjore	9
6. Verifikimi i integritetit dhe problematikat në Listën e Zgjedhësve	10
6.1. Shtetas të pa identifikuar, me kode banimi jo të rregullta	10
6.2. Ndryshimi apo Përditësimi i adresave	11
6.3. Ndryshimi i QV	12
7. Regjistrimi i Votuesve me vendbanim jashtë vendit	13
8. Opinion	14
9 Shtojca	15



3

1. Hyrje

Ne kuadër të zgjedhjeve, sipas dekretit Nr.11700 të Presidentit të Republikës, datë 06.09.2020, do të zhvillohen më datë 25 Prill 2021 nëpërmjet vendimit Nr. 1, datë 19.10.2020, të Komisionit Qendror të Zgjedhjeve "Për emërimin e auditit teknikien për mbikëqyrjen e procesit të hartimit të listave të zgjedhësve është bere caktimi i auditit teknikien është bere caktimi im si Auditues Teknikien.

E gjithë puna është bazuar dhe do të bazohet në përcaktimet e Udhëzimit nr. 2, datë 28.12.2012 të KQZ "Për Miratimin e Rregullave të Veçanta, për Kushtet e Kontratës dhe Kryerjen e Auditimit, nga Auditët Teknikien, për Verifikimin e Veprimeve në Bazën e të Dhënave të Regjistrimit Kombëtar të Gjendjes Civile (RKGjC) dhe në Sistemin Elektronik të Verifikimit dhe Regjistrimit Të Zgjedhësve (SEV)"; i cili në nenin 7 përcakton objektin, në lidhje me verifikimet e veprimeve në bazën e të dhënave, si më poshtë:

Objekt i auditimit nga auditët teknikien është kontrolli i përputhshmërisë së veprimeve të kryera për hartimin e listave të zgjedhësve nga zyrat e gjendjes civile dhe Drejtoria e Përgjithshme e Gjendjes Civile, me rregullat dhe afatet e përcaktuara në Kodin Zgjedhor, ligjin për Gjendjen Civile si dhe aktet nënligjore të dala në zbatim të tyre të nxjerra nga Ministri i Brendshëm.

Me qëllim realizimin e kësaj objektive, puna jonë është përqendruar në verifikimin e të gjithë elementëve të listave të zgjedhësve të gjeneruara nga Regjistri Kombëtar i Gjendjes Civile, në lidhje me ekzistencës dhe saktësisë e të dhënave për të gjithë ata shtetas të cilët gëzojnë të drejtën që të jenë zgjedhës, sipas përcaktimeve të Kodit Zgjedhor të Republikës së Shqipërisë, Ligji Nr. 10019, datë 29.12.2008 "Kodi Zgjedhor i Republikës së Shqipërisë", i ndryshuar me ligjin nr.74/2012, datë 19.07.2012, ligjin nr. 31/2015, datë 02.04.2015, ligjin nr. 101/2020, datë 23.7.2020 dhe ligjin nr. 118/2020 datë 05.10.2020.

Ne zbatim të detyrës të caktuar kontrolli i ekstraktit të përbërësve zgjedhor përfshin ne përgjithësi:

- Njohjen dhe verifikimi i procedurave të kryera nga Drejtoria e Përgjithshme e Gjendjes Civile pranë Ministrisë të Brendshme, Zyrave e Gjendjes Civile pranë Bashkive dhe Njësi Administrative, si dhe të strukturave të tjera të pushteti vendor, të cilat direkt apo indirekt ndikojnë në përgatitjen e listës së zgjedhësve.
- Verifikimi mbi masat e ndërmarra për sigurimin e integritetit të bazës së të dhënave dhe mbi procedurat e mirëmbajtjes dhe administrimit të sistemeve të Regjistrimit Kombëtar të Gjendjes Civile.




Raporti Nr. 1 i Audituesit Teknikion

- Kryerjen e verifikime mbi veprimet e kryera nga shërbimi i Gjendjes Civile të cilat ndikojnë në elementët zgjedhorë, sipas përcaktimeve të nenit 45, të ligjit nr. 10019 me date 28.12.2008 "KODI ZGJEDHOR I REPUBLIKES SE SHQIPERISE" i ndryshuar.

2. Baza Ligjore

- Ligji Nr. 10019, datë 29.12.2008 "Kodi Zgjedhor i Republikës së Shqipërisë", i ndryshuar me ligjin nr.74/2012, datë 19.07.2012, ligjin nr. 31/2015, datë 02.04.2015, ligjin nr. 101/2020, datë 23.7.2020 dhe ligjin nr. 118/2020 datë 05.10.2020.
- Ligji Nr.10129, datë 11.05.2009 "Për gjendjen civile", i ndryshuar me ligjin Nr.6/2012, datë 02.02.2012, ligjin Nr.130/2013 datë 25.04.2013, ligjin Nr.134/2016 datë 22.12.2016 dhe ligjin Nr.69/2018 datë 11.10.2018.
- Ligji nr. 10325, datë 23.09.2010 "Për bazat e të dhënave shtetërore"
- VKM Nr.365, datë 11.6.2004 "Për krijimin e mënyrën e mbajtjes së Regjistrat Kombëtar të Gjendjes Civile dhe për rregullat e shfrytëzimit të teknikës dhe rrjetit informatik".
- VKM Nr.673, datë 22.11.2017 "Për riorganizimin e Agjencisë Kombëtare të Shoqërisë së Informacionit", i ndryshuar me Vendimin e KM Nr.36, datë 24.01.2018, Vendimin e KM Nr.88, datë 14.02.2018 dhe Vendimin e KM Nr.448, datë 26.07.2018.
- VKM Nr. 945, datë 2.11.2012 "Për Miratimin e Rregullores 'Administrimi i Sistemit të Bazave të të Dhënave Shtetërore'"
- VKM Nr. 710 datë 21 gusht 2013 "Për Krijimin dhe Funksonimin e Sistemeve të Ruajtjes së Informacionit, Vazhdueshmërisë së Punës dhe Marrëveshjeve të Nivelit të Shërbimit" i ndryshuar,
- VKM 222 date 26.4.2018 "Për miratimin e listës se infrastrukturave kritike te informacionit dhe listës se infrastrukturave te rëndësishme te informacionit"
- Udhëzimit të Ministrit të Brendshëm Nr.289, datë 10.09.2020 "Për procedurat e hartimit të listave të zgjedhësve për zgjedhjet për Kuvendin e Shqipërisë".
- Udhëzimit të Ministrit të Punëve të Brendshme, Nr.225, datë 11.05.2016 "Për procedurat e pezullimit nga lista e zgjedhësve për shtetasit që vuajnë dënimin e parashikuar nga Ligji Nr.138/2015 "Për garantimin e personave që zgjidhen, emërohen dhe ushtrojnë funksione publike".
- Udhëzimit të Ministrit të Brendshëm Nr.370, date 07.12.2012 "Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile".



Raporti Nr. 1 i Audituesit Teknikion

- Udhëzimit të KQZ-së Nr.2, datë 28.12.2012 "Për miratimin e rregullave të veçanta për kushtet e kontratës dhe kryerjen e auditimit nga auditët teknikien për verifikimin e veprimeve në bazën e të dhënave të Regjistrin Kombëtar të Gjendjes Civile (RKGJC) dhe ne sistemin elektronik të verifikimit dhe regjistrimit të zgjedhësve (SEV)


3. Situata e përgjithshme e punës dhe të dhënat bazë paraprake

Duhet theksuar që në fillim se me marrjen e detyrës kemi zhvilluar takimin e parë më datë 27 tetor me zyrtarët kryesorë të Drejtorisë së Përgjithshme të Gjendjes Civile, për të siguruar kushtet minimale të punës dhe për të marrë informacionet bazë të nevojshme për zhvillimin e punës sonë. Që në takimin e para dhe në vazhdim janë kërkuar

1. Kopje zyrtare të Extraktit të Listës së Zgjedhësve dhe statistikat përkatëse.
2. Numri i Dublimeve të dyshuara
3. Informacion mbi procesin e përditësimit të adresave të shtetasve
4. Informacion mbi procedurat e realizuara në lidhje me reflektimin në Regjistrin Kombëtar të Shtetasve (RKSH) të dekreteve të Presidentit të Republikës për dhënie/marrje shtetësie
5. Informacion mbi procesin e vetë-deklarimit të shtetasve me adrese jashtë vendit.
6. Problematika e shkrirjes/bashkim qendrave të votimit sipas nenit 62 të kodit zgjedhor.

E ritheksoj që në fillim të këtij raporti se **në shumë raste DPGjC vazhdon të kthej përgjigje me shumë vonesë dhe janë sipërfaqësor.**

Bazuar në statistikat e përgatitura nga DPGjC-së për të pesë ekstraktet, ekstraktit të parë (Ek_1) gjeneruar në datën 3 Tetor 2020 , ekstraktit të dytë (Ek_2) të gjeneruar në datë 1 Nëntor 2020, ekstraktit të tretë (Ek_3) gjeneruar në datën 30 Nëntor 2020, ekstraktit të katërt (Ek_4) gjeneruar në datën 02 Janar 2021 dhe ekstraktit të Pestë (Ek_5) gjeneruar në datën 31 Janar 2021 rezultojnë të dhënat e përgjithshme mbi listën si më poshtë:




6

Raporti Nr. 1 i Audituesit Teknikion

Nr.	Përshkrimi	Vlera Ek_1	Vlera Ek_2	Vlera Ek_3	Vlera Ek_4	Vlera Ek_5
1	Numri i përgjithshëm i shtetasve me të drejtë votimi	3,608,169	3,606,036	3,602,377	3,597,890	3,594,872
	a. Meshkuj	1,823,803	1,822,568	1,820,364	1,817,647	1,815,960
	b. Femra	1,784,169	1,783,468	1,782,013	1,780,243	1,778,912
2	Të pa përfshirë në lista (për shkak të qendrave jashtë limitit) nga të cilët:	173,295	34,039	19,563	12,010	11,886
	a. Shtetas mbi 100 vjeç të pa përfshirë	3,249	3,074	3,035	3,002	2,924
	b. Shtetas të pa përfshirë sipas udhëzimit nr. 225 datë 11.05.2016	940	940	1,017	1111	989
	c. Të tjerë me numër QV jashtë limitit	169,106	30,025	15,511	7,897	7,973
3	Numri i zgjedhësve në listë	3,434,874	3,571,997	3,582,814	3,585,880	3,582,986
4	Numri i QV-ve në total	5,386	5,274	5,154	5,160	5,161
5	Numri i QV-ve mbi 1,000 zgjedhës	106	17	6	3	4
6	Numri i QV-ve nën 300 zgjedhës, nga të cilat	419	123	99	101	69
	a. 20-300 zgjedhës	257	69	58	43	38
	b. Më pak se 20 zgjedhës	162	54	41	58	31
7	Numri i zgjedhësve me numër banimi 000, 888, 999	2,101	2,101	167	107	53
8	Dublime të dyshuara në listë, nga të cilat	946				493
	a. Te Dyshuar për dublime të brenda	811				412
	b. Te Dyshuar për dublime të jashtme	135				81

Në një vështrim të përgjithshëm nga treguesit e mësipërm rezultojnë se:

1. Kemi zvogëlim të numrit të shtetasve me të drejtë vote nga Ek_1 në Ek_5 me 13,297 zgjedhës.
2. DPGjC dhe Bashkitë kanë eliminuar afërsisht 85% të qendrave të votimit me më pak se 300 zgjedhës, por në Ek_5 vazhdojnë të jenë akoma 69 QV me më pak se 300 zgjedhës. Për këtë qëllim më datë 19.02.2021 i kemi kërkuar DPGjC-së informacion në lidhje me sa nga këto qendra janë në institucione të veçanta, por nuk kemi një përgjigje.
3. Ka vazhduar zvogëlimi i numrit të shtetasve të pa përfshirë në listën e zgjedhësve, ku rezultojnë se janë akoma të pa përfshirë 11,886 shtetas. Vlen të theksojmë se janë akoma jashtë liste **7,973 vetëm për efekt të numrit gabim të QV** (Sipas përkufizimit të DPGjC – "me numër QV jashtë limitit").



4. Administrimi i Regjistrit Kombëtar të Gjendjes Civile

Baza e të dhënave të Regjistrit Kombëtar të Gjendjes Civile (referuar si) siç përcaktohet në Kodin Zgjedhor shërben si burim bazë ku ruhen, administrohen dhe përpunohen përbërësit zgjedhorë të shtetasve shqiptarë, individualisht dhe në tërësi. Nisur nga rëndësia e madhe që ka RKGJC është e nevojshme të garantohet që kjo bazë të dhënash administrohet, ruhet dhe përpunohet në mënyrë sa më të sigurtë dhe transparente.

Përdoruesit e sistemit, qofshin këta në nivel të ndërfaqes të programit apo në nivel databaze, janë ata të cilët kanë të drejta për të bërë ndryshime mbi të dhënat e përbërësve zgjedhorë të shtetasve në varësi të rolit të tyre. Për shkak se këto veprimeve mund të rezultojnë në tjetërsim të të dhënave dhe modifikime të jashtëligjshme është i rëndësishëm garantimi i administrimit të përdoruesve në sistem, duke përfshirë të gjithë hapat e ndjekur që nga krijimi, modifikimi, çaktivizimi dhe gjurmimi i veprimeve të tyre, si një element i rëndësishëm për sigurinë dhe transparencën. Në takimet e zhvilluara pranë DPGJC dhe komunikimeve në formë elektronike është synuar që të verifikohen informacionet që kanë të bëjnë me administrimin e përdoruesve dhe gjurmimin e veprimeve të tyre.

Nga ana e përfaqësuesit të DPGJC raportohet që krijimi i përdoruesve në sistem bëhet vetëm nëpërmjet komunikimit shkresor dhe nuk ka fshirje të përdoruesve por vetëm çaktivizim të tij. Raportohet që lista e përdoruesve përfshin punonjësit e ZGJC- të cilët kanë të drejta të plota për të realizuar përditësimin e elementeve të gjendjes civile të personit duke përfshirë edhe përbërësit zgjedhorë, punonjësit e DPGJC- në rolin e administratorit të përdoruesve të sistemit të RKGJC-së dhe të verifikimeve të punës që kryhet nga punonjësit e ZGJC-ve në sistem por pa të drejta përditësimi informacioni të shtetasve, përdoruesit pranë ambasadave apo zyrave konsullore të Republikës së Shqipërisë në vende të ndryshme të botës - por pa të drejte ndryshimi të informacionit zgjedhor të shtetasve shqiptare.

Nga informacioni i marrë na rezulton se stafit të DPGJC i mungon mundësia për realizimin e shumë raporteve informues dhe statistikave, kjo për arsye se ose është e drejte ekskluzive e mirëmbajtësit/administruesit të sistemit ose për mungesën e kapaciteteve të duhura për të kryer raporte te ndryshme, dhe si rrjedhim ne shpesh informacionet e kërkuara i kemi marrë me vonesë dhe jo të plota.

Rezulton që nga ana e DPGJC ka një procedurë se si administrohen përdoruesit në sistem, rolet dhe të drejtat e tyre. Nisur nga kjo është synuar që të bëhet verifikimi se si është procesi dhe hapat faktik që ndiqen për administrimin e tyre.



Raporti Nr. 1 i Audituesit Teknikon

Nëpërmjet aksesit në ndërfaqen e programit të RKGJC është bërë kontrolli i listës të drejtave dhe roleve që ekzistojnë në sistem. Ndonëse nga ana e DPGJC nuk ka një dokumentim që të bëjë përshkrimet dhe detajimin e tyre, sistemi ka një listë të drejtash, të cilat lidhen me përdoruesin në varësi të profilit që duam ti japim këtij të fundit. Nga verifikimi i bërë në ndërfaqe rezulton që aty nuk shfaqet momenti se kur është bërë krijimi apo modifikimi i përdoruesit. Nisur nga ky fakt është kërkuar nxjerrja e log-eve nga sistemi që bëjnë të mundur identifikim e këtyre veprimeve.


Në takime raportohet që nga ana e DPGJC se është i pamundur dhe eksportimi dhe vënia në dispozicion i log të cilët bëjnë gjurmimin e veprimeve të bëra nga ana e përdoruesve mbi përbërësit zgjedhorë të shtetasve shqiptarë duke kufizuar kështu mundësitë për analiza sasiore.

Ritheksoj se nëpërmjet aksesit në konsolën e programit të RKGJC është i mundur vetëm verifikimi i zgjedhësve emër për emër dhe gjurmohet vetëm ndryshimi i fundit.

5. Administrimi i procesit sipas detyrimeve ligjore

Në lidhje me administrimin e procesit të përgatitjes së listës së zgjedhësve konstatohet se:

1. DPGJC ka përgatitur ekstraktin e parë të listës së zgjedhësve më datë 03.10.2020 dhe ekstraktin e dytë më datë 01.11.2020, ekstraktin e tretë në datë 30.11.2020 ekstraktin e katërt në datë 02.01.2021 dhe ekstraktin e pestë në datë 31.01.2021 afate të cilat janë në përputhje me kërkesat ligjore.
2. Në përgjigje të kërkesës për informacion mbi rastet kur ne zbatim te Nenit 50, pika 2 se nga ana e DPGJC janë identifikuar raste te shkeljeve dhe cilat janë masat administrative te ndërmarra. DPGJC konfirmon se "Nuk janë konstatuar shkelje të cilat të ndikojnë në deformimin e përbërësve zgjedhor te zgjedhësve".
3. Kërkesës sonë për informacion në lidhje me zbatimin e nenit 52 te Kodit zgjedhor mbi "Njoffimin me shkrim i zgjedhësve" nga ana e DPGJC nuk është arritur te provohet me dokumentacion përkatës nëse është realizuar,
4. Ne pamje te pare janë zbatuar përgjithësisht procedurat e udhëzimit të Ministrit të Brendshëm Nr.298, datë 10.09.2020 "Për procedurat e hartimit të listave të zgjedhësve për zgjedhjet e Kuvendit të Shqipërisë", dhe të udhëzimit të Ministrit të Punëve të Brendshme, Nr.225, datë 11.05.2016 "Për procedurat e pezullimit nga lista e zgjedhësve për shtetasit që vuajnë



9

Raporti Nr. 1 i Audituesit Teknikion

dënimin e parashikuar nga Ligji Nr.138/2015 "Për garantimin e personave që zgjidhen, emërohen dhe ushtrojnë funksione publike" dhe të udhëzimit të Ministrit të Brendshëm Nr.370, date 07.12.2012 "Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile".

Në lidhje me realizimin e procesit të "Njoftimin me shkrim i zgjedhësve", në mungesë të një informacioni zyrtar nga ana e DPGjC-së si dhe në pamundësi për të marrë këtë informacion nga Bashkitë (duke qenë jashtë fushës sonë të veprimit) ne i sugjerojmë Komisionerit dhe nën Komisionerit Shtetëror për Zgjedhje të kërkojnë informacion më të detajuar si edhe gjithashtu marrjen e masave për eliminimin e këtij fenomeni.

6. Verifikimi i integritetit dhe problematikat në Listën e Zgjedhësve.

6.1. Shtetas të pa identifikuar, me kode banimi jo të rregullta.

Bazuar edhe në analizat e kryera që në vitin 2019, në listat për Zgjedhjet Vendore 2019, fenomeni numrit të banesës (kodi i banimit) 000, 888 dhe 999 pothuajse nuk ekziston më. Në Ek_1 deri Ek_5 praktikisht kane ngelur vetëm 53 shtetas me kod banese të pa identifikuar.

Por fakti që për ata zgjedhës të cilët kanë pasur kod banese të pa identifikuar deklarohen kode të rinj të cilët janë mbi nivelet e listave të mëparshme duke arritur deri në kodin 998 krijon dyshime të mëdha për ndryshime fiktive dhe manipulim të vlerave të kodit të banesës për zgjedhësit në fjalë. Fenomen ky i evidentuar dhe ne raportet e auditit teknikien te depozituara dhe kryera në vitin 2019. Në EK-5 rezulton se **176,418** zgjedhës, që janë vetëm 730 zgjedhës më pak kundrejt EK-1, kane kod banese mbi 350 dhe **72,232** zgjedhës që janë vetëm 372 zgjedhës më pak kundrejt EK-1, më të madh se 500. Nga investigimet e kryera dhe bazuar dhe ne raportet e 2019 kemi krijuar plotësisht bindjen se procesi i ndërmarrë nga DPGJC për këto kode ka qenë totalisht abuziv dhe kodet në shumicën dërrmuese te rasteve janë kode fiktive, ashtu sikurse kemi edhe votues me kod banimi në objekte jo banuese (objekte social kulturore, arsimore, industriale, etj.).

Duke e konsideruar si element me risk të lartë kemi kërkuar informacion DPGjC për të gjitha ndryshimet e realizuara mbi kodin zgjedhor 10 shifror, duke kërkuar në veçanti emrin e përdoruesit të Zyrës të Gjendjes Civile që ka kryer veprimin në sistem dhe datën e veprimit.



10

Raporti Nr. 1 i Audituesit Teknikion

Edhe me këtë korigjim ky numër është shumë i lartë dhe shqetësues. Për më tepër edhe përgjigjet jo të sakta dhe evazive nga ana e DPGjC përpiqen të krijojnë një situatë e cila nuk mund të investigohet. Gjithashtu DPGjC në përgjigjen e datës 18 Dhjetor 2020 sqaron se në numrat e mësipërm përfshihen: i) Numri prej 11,370 shtetasve të burgosur si edhe ii) 1,891 shtetas të tjerë (si p.sh. oficerë, ushtarë, etj.) të cilët votojnë në QV të veçanta.

Duke i konsideruar që të gjithë këta persona si anëtarë të një familje të vetme atëherë do të rezultonte që 13,261 familje të jenë në këtë kategori të justifikuar pse ju ndryshon QV.

Pra na rezulton se **76,693 kanë pjesëtar në QV të ndryshme.**

Ky është një fenomen shqetësues dhe ne i sugjerojmë Komisionerit dhe nën Komisionerit Shtetëror për Zgjedhje të kërkojnë informacion më të detajuar si edhe gjithashtu marrjen e masave për eliminimin e këtij fenomeni.


6.2. Ndryshimi apo Përditësimi i adresave

Problematika e ndryshimit të adresave vazhdon, dhe shtetasit të cilët janë hasur me ndryshimin e adresës të bërë nga sistemi "**Migrimi i të dhënave në sistem**" të cilat janë kryer gjatë viteve 2019-2020, DPGjC na ka bërë me dije në përgjigjen e datës 2 Nëntor se: "**nga data 05 Dhjetor 2019 , 3,186,336 shtetasve ju është përditësuar adresa nga ana e shërbimit të Gjendjes Civile.** Bazuar në deklarinë e parë kemi informacionin se 1.806.131 adresa janë ndryshuar në RKGjC nga punonjësit e zyrës së gjendjes civile, me kërkesë të shtetasit, ndërsa 1.380.205 janë ndryshuar nga migrimi i të dhënave."

Interesimit tonë për veprime të mëtejshme të realizuara për nga ana e DPGjC dhe shërbimit të gjendjes Civile për rregullimin e kësaj situatë apo përditësimit të mëtejshëm të adresave, kjo e fundit më datë 8 Shkurt 2021 na konfirmon se vetëm 1,590,015 shtetas kanë adresë të saktë në RKGjC, sipas formatit të ri. Kjo nënkupton **se 33% e popullsisë ka një adresë të saktë ne formatin e ri.**

Gjithashtu ky numër është 129,632 më i vogël se raportimi nga DPGjC më datë 08 Dhjetor 2020. **Gjë që ri konfirmon raportimet jo të sakta dhe mospërputhje shifrash nga DPGjC.**

Me gjithë se kemi kërkuar në mënyrë të vazhdueshme nuk kemi marrë asnjë përgjigje nga DPGjC mbi procedurat dhe aktet ligjore apo nën ligjore mbi të cilat është mbështetur realizimi i këtij procesi.



11

Raporti Nr. 1 i Audituesit Teknikion

Bazuar në Ligji Nr. 10 129, datë 11.5.2009 "PËR GJENDJEN CIVILE" i ndryshuar, sanksionohet qartë e drejta që kanë shtetasit për të zgjedhur adresën e vendbanimit.

Sipas udhëzimit të DPGjC-se, Zyrat e gjendjes civile kanë kontaktuar shtetasit e prekur nga ndryshimi i adresës duke i kërkuar të paraqiten personalisht pranë ZGjC-ve dhe me kërkesën e tij të shoqëruar me një fotokopje të certifikatës së pronësisë apo të kontratës së qirasë, shtetasi mund të riktheje adresën aty ku e ka pasur përpara se ti ndryshohej në sistem.

6.3. Ndryshimi i QV

Bazuar në Kodin Zgjedhor dhe vendimet në zbatim të tij ndryshimi i QV ndodh nga shërbimi i Gjendjes Civile në rastet kur ndryshon adresa ose me vendim të kryetarit të Bashkisë mbas një kërkesë me shkrim nga ana e qytetarit.

Sipas kontrolleve dhe krahasimeve të kryera nga grupi i auditimit në vija të përgjithshme na rezulton se kemi ndryshimet e më poshtme të QV.

Nr.	Krahasimi	Nr. I Shtetasve që kanë ndryshuar QV
1	Ndryshimi nga Lista 2019 në Ek_1	92,642
2	Ndryshimi nga Ek_1 në Ek_2	42,804
3	Ndryshimi nga Ek_2 në Ek_3	14,374
4	Ndryshimi nga Ek_3 në Ek_4	13,358
5	Ndryshimi nga Ek_4 në Ek_5	12,440
	Total nga Ek_1 në Ek_5	82,976

Sipas një krahasimi të bërë në rang qarku nga Ek_4 në Ek_5 rezulton se kanë ndryshuar brenda dhe jashtë qarkut 12,440 Zgjedhës:

Nr.	Qarku	Zgjedhës
1	Berat	249
2	Dibër	520
3	Durrës	943
4	Elbasan	990
5	Fier	1,698
6	Gjirokastrë	105

Raporti Nr. 1 i Audituesit Teknikion

7	Korcë	602
8	Kukës	469
9	Lezhë	457
10	Shkodër	720
11	Tiranë	5,056
12	Vlorë	631
TOTALI		12,440

Gjithashtu në interesimit tonë, më datë 08.02.2021 na konfirmon se 163,185 zgjedhës kanë QV të ndryshme nga Njësia Administrative ku banojnë.

(tabela bashkangjitur - delta_votues_me_qv_te_ndryshme_2017_2019_2021)

7. Regjistrimi i Votuesve me vendbanim jashtë vendit

Bazuar në kriterin bazë që të drejtë të votojnë pranë vendbanimeve të tyre zgjedhësit që kanë vendbanimin e përhershëm jashtë territorit të Republikës së Shqipërisë, kanë vetëm ata zgjedhës të regjistruar në Regjistrin Kombëtar të Gjendjes Civile me adresën e vendbanimit të përhershëm jashtë vendit.

Bazuar në VKM Nr. 915, datë 4.11.2020 "Për përcaktimin e rregullave për njoftimin e detyrimit për vetë deklarim të adresës nga shtetasit shqiptarë, që jetojnë jashtë territorit të republikës së Shqipërisë, të procedurës së plotësimit e të dorëzimit të formularit të vetë deklarimit dhe të dokumenteve shoqëruese të tij, administrimin e tyre nga autoritetet përgjegjëse, si dhe të shërbimeve të tjera që ofrojnë këto autoritete ndaj shtetasve" aplikimet e shtetasve të kësaj kategorie kryen vetëm nëpërmjet portalit e-Albania.

Audituesi Teknik i është drejtuar DPGjC-së për informacion në lidhje me rezultatet e deri tanishme për këtë proces. DPGjC në email të datës 08.01.2021 na informon se deri më këtë datë nëpërmjet portalit "e-Albania" janë kryer 2,337 aplikime, nga të cilat DPGjC nuk ka procesuar asnjë prej tyre.

Në datë 20 shkurt 2021 DPGjC na informon paraprakisht se deri në këtë datë në RKGjC janë të regjistruara adresa jashtë vendit për 4,572 shtetas ose 3,613 Zgjedhës, prej të cilëve 2,774 kanë kryer deklarimin dhe përditësimin në vitin 2021.



13

Raporti Nr. 1 i Audituesit Teknikion

Këta janë të shpërndarë sipas qarqeve si më poshtë:

Nr.	Qarku	Regjistrime
1	Berat	131
2	Diber	143
3	Durres	124
4	Elbasan	416
5	Fier	688
6	Gjirokaster	90
7	Korce	368
8	Kukes	65
9	Lezhe	184
10	Shkoder	191
11	Tirane	894
12	Vlore	319
TOTALI		3,613

8. Opinion

Referojmë se vazhdojmë të hasim vështirësi për të kryer misionin e ngarkuar sipas kodit zgjedhor për shkak të vonësave Përgjigjeve dhe mos dhënies së aksesit në dokumentacion.

Gjatë auditimit ka qenë e pamundur të bëhet një vlerësim i plotë i procesit të gjenerimit të ekstraktit zgjedhor nga baza e të dhënave të RKGJC për shkak të pamundësisë për të qenë i pranishëm gjatë ekzekutimit të këtij procesi. I gjithë procesi i punës për gjenerimin e ekstraktit zgjedhor realizohet vetëm nga operatori ekonomik i mirëmbajtjes së sistemit (XION). Është i nevojshëm që nga ana e DPGJC të na garantohet mos pasja e të papriturave, duke mundësuar kështu kompletimin e verifikimit të procesit dhe certifikimit të hapave të ndjekur.

Auditi nga burime të tjera dhe duke analizuar ekstraktet e gjeneruara deri më tani ka konstatuar (si p.sh. në Qarkun Kukës QV 0593 është shkruar në QV 0598 ndërkohë kur ajo është më afër në distancë me QV 0595) se disa QV janë bashkuar me QV të tjerë të cilat kanë vend ndodhjen shume larg, ndërkohë që mund të bashkoheshin me QV të cilat janë me vendndodhje të afërta. Interesimin tonë më datë 19 Shkurt 2021 nuk i është dhënë përgjigje akoma nga DPGJC.



14

9 Shtojca

Bashkangjitur korrespondenca me DPGjC

1. email 20.02.2021
2. email.03.02.2021



15



Roland Kercuku <l.kercuku@gmail.com>

Kerkesa_Auditi

2 messages

Roland Kercuku <l.kercuku@gmail.com>

Wed, Jan 20, 2021 at 10:31 AM

To: Vangjush Stavro <Vangjush.Stavro@mb.gov.al>

Cc: Bledar Doracaj <bledar.doracaj@mb.gov.al>, Shpetim Cokaj <Shpetim.Cokaj@mb.gov.al>, lealba.pelinku@kqz.gov.al

Përshëndetje Z.Stavro

1. Ju lutem numërin e shtetasve që kanë bërë kërkesë ose kanë mbaruar procedurën e saktësimit të adresës në sistem, pranë zyrës së gjendjes civile nga momenti i update-imit të rkgjc i cili afektoi adresën primare të qytetarëve të regjistruar në rkgjc deri në ditën e sotme. Gjithashtu dhe pjesën e mbetur të shtetasve që nuk e kanë korrigjuar akoma. Të detajuar sipas zgjc përkatëse.

2. Cilat janë parametrat që përdorni për gjenerimin të ekstrakteve zgjedhore nga rkgjc dhe procedura e përdorura për gjenerimin e ekstraktit dhe kalimin nga file i gjeneruar nga rkgjc në listat paraprake.

3. Sa persona kanë mbetur të dubluar ,dhe si bëhet praktikisht identifikimi dhe gjurmimi në sistem kjo proces.

4. Procedurat e pezullimit nga lista e zgjedhësve të shtetasve që vuajnë dënimin e parashikuar në ligjin nr.138/2016, si zbatohen praktikisht.

Punë të mbarë

Me respekt
Auditi Teknikien
Roland Kërçuku

Vangjush Stavro <Vangjush.Stavro@mb.gov.al>

Mon, Feb 1, 2021 at 12:27 PM

To: Roland Kercuku <l.kercuku@gmail.com>

Cc: Bledar Doracaj <Bledar.Doracaj@mb.gov.al>, Shpetim Cokaj <Shpetim.Cokaj@mb.gov.al>, Lealba Pelinku <Lealba.Pelinku@kqz.gov.al>

Përshëndetje Z Kërçuku,

Më poshtë do të gjeni përgjigjet për pyetjet tuaja:

1. Ju lutem numërin e shtetasve që kanë bërë kërkesë ose kanë mbaruar procedurën e saktësimit të adresës në sistem, pranë zyrës së gjendjes civile nga momenti i update-imit të rkgjc i cili afektoi adresën primare të qytetarëve të regjistruar në rkgjc deri në ditën e sotme. Gjithashtu dhe pjesën e mbetur të shtetasve që nuk e kanë korrigjuar akoma. Të detajuar sipas zgjc përkatëse.

1.585.821 votues kanë adresë të saktë sipas formatit të ri me tetë elementë.

2.011.268 votues kanë adresë akoma me formatin e vjetër.

2. Cilat janë parametrat që përdorni për gjenerimin të ekstrakteve zgjedhore nga rkgjc dhe procedura e përdorura për gjenerimin e ekstraktit dhe kalimin nga file i gjeneruar nga rkgjc në listat paraprake.

Në bazën e të dhënave të RKGJC, ndodhet kodi zgjedhor i çdo shtetasi i përbërë nga kodi i zyrës së gjendjes civile, kodi i qendrës së votimit, fraksioni përkatës i qv dhe kodi i banesës. Ky i fundit është përfituar sipas numërimit të ndërtesave që ndodhen në kufinj të respektiv të qendrave të votimit. Gjatë transferimit apo ndryshimit të vendbanimit,

punonjësi i zyrës së gjendjes civile realizon sipas rastis përditësimin e kodit të banimit përveç përditësimin të adresës.

Kodi zgjedhor i shtetasit, është parametri kryesor që shërben për gjenerimin e listave sipas qendrave të votimit. Përpara se të dalë lista përfundimtare ekzekutohen algoritmat që shërbejnë për rafinimin e tyre, si kontrolli i shtetasve që plotësojnë moshën dhe që nuk janë objekt i ligjit të dekriminalizimit, kontrolli i bashkimit / ndarjes së qendrave të votimit etj.

Pas përfundimit të gjenerimit total të listës së zgjedhësve, sistemi bën rishpërndarjen e listave zgjedhore sipas zyrave përkatëse të gjendjes civile. Në këtë mënyrë punonjësi i zyrës e akseson elektronikisht listën e tij përkatëse dhe ne nuk e kemi të nevojshme të merremi me shpërndarjen e tyre, duke eliminuar qoftë dhe ndonjë gabim në shpërndarje.

Formati elektronik në të cilin gjenerohet listat është 'pdf'.

3. Sa persona kanë mbetur të dubluar ,dhe si bëhet praktikisht identifikimi dhe gjurmimi në sistem kjo proces.

Te_Dyshuar_DublimeBrendaZGJC 412

Te_Dyshuar_DublimeJashtZGJC 81

DPGJC nëpërmjet algoritmeve të krahasimit të të dhënave, identifikon rekordet që kanë të dhëna të ngjashme brenda ZGJC-së dhe jashtë ZGJC-së (shtetas me të dhëna të ngjashme që rezultojnë në 2 zgjc të ndryshme). Krahasimi kryhet sipas ngjashmërisë së emrit, mbiemrit, atësisë, datëlindjes dhe gjinisë. Pjesë e të dhënave të ngjashme futet dhe emri i regjistrin themeltare (regjistri hard copy) ku shtetasi ka qenë i regjistruar gjatë procesit data-entry, numri i regjistrin dhe rendi në faqen e regjistrin.

Kusht gjatë kontrollit të këtyre të dhënave përcaktohet që numri i identitetit të rekordeve të krahasuara të shtetasve të jetë i ndryshëm.

E vlerësojmë të rëndësishme t'ju informojmë se po vijon procesi i gjurmimit të këtyre të dhënave nga ana e punonjësve të ZGJC-ve.

4.Procedurat e pezullimit nga lista e zgjedhësve të shtetasve që vuajnë dënimin e parashikuar në ligjin nr.138/2016, si zbatohen praktikisht.

DPGJC, para gjenerimit të ekstraktit elektronik, ekzekuton procedurën e përfshirjes së shtetasve që kanë qenë të përjashtuar nga lista e mëparshme, sipas kodit 7788.

Në vazhdim, zyrat e gjendjes civile, vijojnë me përditësimin e kësaj kategorie, duke përditësuar kodin e qendrës së votimit, përkatësisht në kodin '7788', të shtetasve të përjashtuar sipas raportimeve të Ministrisë së Drejtësisë / Drejtoria e Përgjithshme e Burgjeve / IEVP rajonale.

Çdo shtetas me këtë kod të qendrës së votimit përjashtohet nga çdo ekstrakt dhe në listën përfundimtare, deri në momentin që paraqitet pranë ZGJC-se ku ai është banor, me vërtetimin e lëshuar nga IEVP, që është liruar burgjeve.

Punë të mbarë,

Vangjush Stavro, MEng

Drejtoria e Sistemeve Informatike / Directory of Information Systems
Drejtoria e Përgjithshme e Gjendjes Civile / General Directorate of Civil Status
Ministria e Brendshme / Ministry of Interior

Sheshi Skenderbej, Nr.3, 1001
Tirana, ALBANIA

From: Roland Kercuku <l.kercuku@gmail.com>
Sent: 20 January 2021 10:31
To: Vangjush Stavro
Cc: Bledar Doracaj; Shpetim Cokaj; Lealba Pelinku
Subject: Kerkesa_Auditi



Roland Kercuku <l.kercuku@gmail.com>

kërkesë Auditi

3 messages

Roland Kercuku <l.kercuku@gmail.com>

Wed, Feb 3, 2021 at 11:14 AM

To: Vangjush Stavro <Vangjush.Stavro@mb.gov.al>

Cc: lealba.pelinku@kqz.gov.al, Bledar Doracaj <bledar.doracaj@mb.gov.al>, Shpetim Cokaj <Shpetim.Cokaj@mb.gov.al>

Përshëndetje Z. Stavro

1. Në përgjigjen e datës 01/02/2021 Ju konfirmoni se "1.585.821 votues kanë adresë të saktë sipas formatit të ri me tetë elementë". Ju lutem na sqaroni se cili është përkufizimi i juaj për "adresë të saktë"
 - a. Ekzistenca e të tetë elementeve të formatit të ri në rekordin e qytetarit apo saktësia e këtij rekordi.
 - b. Si e keni verifikuar ju adresën pas përditësimit
2. Nga 1.585.821 votues për të cilët ju konfirmoni se kanë adresë te sakte:
 - a. Sa prej tyre kanë QV të ndryshme nga ajo që kanë pasur në 2017 dhe /ose 2019
 - b. Ju lutem na jepni numrin e tyre të detajuar për çdo ZGjC
3. Në përgjigjen e datës 01/02/2021 ju na keni dhënë vetëm numrin e përgjithshëm, ndërsa ne kërkonim edhe detajimin e përditësimeve/saktësimeve të adresës për çdo ZGjC, Ju lutem na përgatisni këtë informacion.
4. Kam evidentuar se në listën e zgjedhësve të publikuar në portalin e-albania "<https://e-albania.al/eAlbaniaServices/DPGJC/>" del i gjithë regjistri DPGJC, nga fëmijët nën moshën 18 vjeç deri dhe vdekjet, gjithashtu kanë të pa rregullt dhe numërin. Kjo krijon konfuzion tek qytetarët prandaj ju lutem të publikoni listën e zgjedhësve (ekstraktin përkatës). Këtë mund ta mbani vetëm duke i ndërruar destinacion për gjytetarët të cilët kanë nevojë verifikimin e adresën.

Pune Të Mbarë

Me Respekt
Auditi Teknikien
Roland Kërçuku**Vangjush Stavro** <Vangjush.Stavro@mb.gov.al>

Mon, Feb 8, 2021 at 11:24 AM

To: Roland Kercuku <l.kercuku@gmail.com>

Cc: Lealba Pelinku <Lealba.Pelinku@kqz.gov.al>, Bledar Doracaj <Bledar.Doracaj@mb.gov.al>, Shpetim Cokaj <Shpetim.Cokaj@mb.gov.al>

Përshëndetje Z Kërçuku,

Më poshtë do të gjeni përgjigjet për pyetjet tuaja:

Në përgjigjen e datës 01/02/2021 Ju konfirmoni se "1.585.821 votues kanë adresë të saktë sipas formatit të ri me tetë elementë". Ju lutem na sqaroni se cili është përkufizimi i juaj për "adresë të saktë"

- Ekzistenca e të tetë elementeve të formatit të ri në rekordin e qytetarit apo saktësia e këtij rekordi.
- Si e keni verifikuar ju adresën pas përditësimit

Për DPGJC adresë e saktë është saktësia dhe ekzistenca e tetë elementëve.

Rastet për të cilat nuk kishim një adresë të saktë, ku ZGJC ndryshonte nga njësia administrative e adresës së re, i kemi telefonuar që të saktësojnë adresën.

Nga fillimi i këtij procesi në zyrat e gjendjes civile janë paraqitur shumë shtetas për saktësim adrese dhe nuk janë lejuar vetëm të deklarojnë adresën, por të japin dhe dokumentacion justifikues për deklaratën e tyre.

Nga 1.585.821 votues për të cilët ju konfirmoni se kanë adresë te sakte:

- Sa prej tyre kanë QV të ndryshme nga ajo që kanë pasur në 2017 dhe /ose 2019
- Ju lutem na jepni numrin e tyre të detajuar për çdo ZGJC

Ju lutem gjeni bashkëngjitur dokumentin ku keni kolonën me numrin e votuesve që kanë pasur QV ndryshe nga e sotmja në 2017 dhe 2019. (delta_votues_me_qv_te_ndryshme_2017_2019_2021.xlsx)

Në përgjigjen e datës 01/02/2021 ju na keni dhënë vetëm numrin e përgjithshëm, ndërsa ne kërkonim edhe detajimin e përditësimeve/saktësimeve të adresës për çdo ZGJC, Ju lutem na përgatisni këtë informacion.

Ju lutem gjeni bashkëngjitur dokumentin me numrin e saktësimeve për ZGJC (votues_me_format_te_ri_adrese_sipas_zgjc.xlsx).

Kam evidentuar se në listën e zgjedhësve të publikuar në portalin e-albania "<https://e-albania.al/eAlbaniaServices/DPGJC/>" del i gjithë regjistri DPGJC, nga fëmijët nën moshën 18 vjeç deri dhe vdekjet, gjithashtu kanë të pa rregullt dhe numërin. Kjo krijon konfuzion tek qytetarët prandaj ju lutem të publikoni listën e zgjedhësve (ekstraktin përkatës). Këtë mund ta mbani vetëm duke i ndërruar destinacion për gjytetarët të cilët kanë nevojë verifikimin e adresën.

Ju Falenderoj për njoftimin. Pa qëllim, kërkimi i e-Albania në RKGJC nuk filtrohej vetëm për votues, por kërkonte të gjithë shtetasit. Problematika u zgjidh po ditën që dërguat e-mail. Kërkojmë ndjesë për çdo shqetësim të shkaktuar.

Punë të mbarë,

Vangjush Stavro, MEng

Drejtoria e Sistemeve Informatike / Directory of Information Systems
Drejtoria e Përgjithshme e Gjendjes Civile / General Directorate of Civil Status
Ministria e Brendshme / Ministry of Interior

Sheshi Skenderbej, Nr.3, 1001
Tirana, ALBANIA

From: Roland Kercuku <l.kercuku@gmail.com>

Sent: 03 February 2021 11:14

To: Vangjush Stavro

Cc: Lealba Pelinku; Bledar Doracaj; Shpetim Cokaj

Subject: kërkesë Auditi

[Quoted text hidden]


Informacioni i trasmetuar në përmbajtje të këtij mesazhi është i destinuar vetëm për individin ose për institucionin të cilit i është nisur, mund të përmbajë materiale konfidenciale dhe / ose të privileguara vetëm për marrësin. Çdo rishikim, trasmetim, shpërndarje apo kryerje e ndonjë veprimi tjetër të ngjashëm me këto, nga personat apo nga subjekte të tjera të ndryshme nga marrësi i synuar, është i ndaluar. Nëse merrni gabimisht këtë mesazh, ju lutem

2/22/2021

Gmail - kërkesë Auditi

kontaktoni urgjentisht dërguesin e tij dhe fshini çdo material të trasmetuar në kompjuterin tuaj. Ne nuk pranojmë asnjë detyrim lidhur me dëmtimin apo humbjen e shkaktuar nga programe të dëmshme apo nga viruse , përveç rastit të neglizhencës së plotë, apo sjelljes së gabuar dhe të qëllimshme.

2 attachments

 **delta_votues_me_qv_te_ndryshme_2017_2019_2021.xlsx**
16K

 **votues_me_format_te_ri_adrese_sipas_zgjc.xlsx**
14K

Vangjush Stavro <Vangjush.Stavro@mb.gov.al>

Mon, Feb 8, 2021 at 11:28 AM

To: Roland Kercuku <l.kercuku@gmail.com>

Cc: Lealba Pelinku <Lealba.Pelinku@kqz.gov.al>, Bledar Doracaj <Bledar.Doracaj@mb.gov.al>, Shpetim Cokaj <Shpetim.Cokaj@mb.gov.al>

Z Kërçuku,

Për të evituar ndonjë keqkuptim më lejoni të theksoj se të dhënat për adresat me format të ri janë të datës 03.02.2021. Po të mblidhen nuk do të dalin sa numri i parë **1.585.821** sepse ditët në vijim kanë ndodhur saktësime të tjera, përkatësisht:

- 01.02.2021 - 1961
- 02.02.2021 - 2851
- 03.02.2021 - 3337

Punë të mbarë,

Vangjush Stavro, MEng

Drejtoria e Sistemeve Informatike / Directory of Information Systems
Drejtoria e Përgjithshme e Gjendjes Civile / General Directorate of Civil Status
Ministria e Brendshme / Ministry of Interior

Sheshi Skenderbej, Nr.3, 1001
Tirana, ALBANIA

From: Vangjush Stavro

Sent: 08 February 2021 11:24

To: Roland Kercuku

Cc: Lealba Pelinku; Bledar Doracaj; Shpetim Cokaj

Subject: Re: kërkesë Auditi

[Quoted text hidden]

[Quoted text hidden]